



国立国会
図書館
蔵書印

593982

Mag. St. Dr.

II

Stanowilo niegdys kracis pozycje w klasce Q. V. 9,
 skladajacy - sie z nastepujacych pozycji: 1) Levinus
 Hulsius, Tractatus primus instrumentorum medicinarum,
 Francof. 1605; 2) Dito, Tractatus tertius ... Francof. 1605;
 3) Jo. Kepler, Ad epistola Jac. Bartschii responsio, Sa-
 gani 1629; 4) Jo. Kepler, Adversus ad astronomos, Sfg.
 1630; 5) Jo. Kepler, R. P. Jo. Terrentii Epistoliarum, Sagan
 1630; 6) Josef Salomo del Medigo □□□□ 750 etc.,
 Amsterdam 1629. Klucze ten, podzielony dwi na czesci,
 byl wlasnoscia Jana Brozka.

Math. 982

" 883

" 939


" 940


" 1918



Mathesis 959

Q. V. 9 bx





IOANNIS
KEPLERI
MATHEMA-
TICI,

AD EPISTOLAM

CLARISSIMI VIRI

D. JACOBI BARTSCHII

Laubani Lusati, Medicinae Candidati,

Præfixam Ephemeridi in annum 1629,

RESPONSIO:

DE COMPUTATIONE

Et Editione

Ephemeridum.



TYPIS SAGANENSIBUS.

ANNO M. DC. XXIX.

Mathes. 989.

MAINTENANCE
KEEPERS
MATHEMATICAL
AD EPISTOLAM

Caractere Viri
SACRI PRINCIPIS
Ludovici XIV. Regis
Franciae Epistolae in unum collectae

RESTONIS



593982
II

LIBRARY OF THE
UNIVERSITY OF CHICAGO



JOANNES
KEPLERVS

JACOBO BARTSCHIO

S. P. D.

ETSI, quibus de rebus me es allocu-
tus Epistolâ publicâ, BARTSCHI mei aman-
tissime, mihiq; vicissim & virtutibus &
communium artium studio acceptissime, de
ijs coram tibi, cum me nuper invisisses, me-
am explicavi sententiam: quia tamen &
tu scripsisti publicè, & plurimum interest, rescire, quid inter nos
sit actum: publicè etiam ad tua proposita respondebo; pri-
mùm progressus ab illo proscenio, ubi tu me in exordio litera-
rum tuarum reliquisti, domum properans.

Quod enim tu hæcenus te satagisse significas, ubinam lo-
corum essem: idem & alios nonnullos mei studiosos inquirere ve-
rissimè est: quibus gratificari, humanitatis esse censeo; cavillos
obrectatorum contemnere, hilaritatis inculcata. FRANCOFUR-
tum igitur ad nundinas perveni mense Septembri anni supe-
rioris, opus TABVLARVM RYDOLPHI asserens, visendum pu-
blicè, & inserendum Catalogo: cui etiam pretium, rogatu meo,
consti-

constitutum est à Cōmissario librorum Cæsareo, tres floreni pecunia p̄sentis valore Francofurtensī, quos in loco solvant aquā lege studiosus artis an librarius. Hisce confectis negocijs, cum Illustrissimo Hassiæ Landgravio PHILIPPO excurri Putzbachium, tempusq̄ dedi visendis laudatissimi Principis instrumentis & exercitijs astronomicis: de quibus pro dignitate scribere longum fuerit, nec p̄sentis instituti. Ne tamen omni spectaculorum jucunditate defraudem lectores: unicum referam, quo ego, ut in speculationibus meis plurimum confirmatus, ita non minùs impensè sui gavisus. In areâ patente & spaciôsâ palus stat. defixus altitudine pedum circiter triginta, trochlea in summo, cui funis insertus ergata circumactu tubum ingentem, pedum 50-nta longitudine, quem sex viri robusti tecto suo vix moliuntur, in altum attollit, ut sol per ejus foramen, nisi aut lentis aut etiam milij magnitudine, demittat radios in oppositâ albam tabellam, quæ tubi cavitatem imo loco terminat. In hac ergo tabellâ clarè visuntur macule Solis, formate à nudo foramine, nullius interventu vitri convexi: testanturq̄, typi excepti in meridijs compluribus deinceps, lineam motûs macularum in solstitijs rectam esse ad lineam meridianam, in æquinocitijs inclinem angulo complementi obliquitatis Eclipticæ; in opposito æquinocitio, plagæ etiam contrariæ: sic ut hæc linea motûs in planum Eclipticæ semper incidat. Itaq̄, si macula hæret in superficie Solis: sequitur ut etiam hæc, ut ipsum inquam globum Solis secundum Eclipticam incedere, hoc est, circa ejus axem & polos tornari colligamus. Hanc circumstantiam adde cæteris, quas Epit. Ast. Lib. IV. p. 514. num. 4. coacerdavi, & num quis restet scrupulus, dispice, quo minùs thema ipsum, SOLEM ESSE FONTEM MOTVS PLANETARVM, pro certissimo acceptemus. Quòd igitur Lib. VII. p. 914 polos Eclipticæ Mediæ, quam appello VIAM REGIAM, feci eisdem cum polis rotationis corporis solaris: id non porro dixeris suâ carere ostensione, sensuali.

Hanc

HANC igitur habe tibi BARTSCHI digressionem, quâ pen-
ses astimesq; moram meam Puzbachianam; tempus est ut in-
de discedam. Non possum tamen hoc sine celebratione munificē-
tia Principis verè magnanimi; ut quâ illè & temporum con-
ditionem, & meum inprimis pudorem longissimè superavit.
Quodq; ad consilia referendum est translati mei domicilij, au-
thor fuit idem celsissimus Princeps PHILIPPVS suo ex Fratre
Nepoti GEORGIO, rerum potienti DARMSTADII; ut quia
LINCIANO Typographo per tumultus rusticanos incendio de-
leto, & pffigato Typographo, aliū ego BRAHEANIS Observa-
tionibus edendis locum idoneum, prælisq; & typis instructum, se-
orsim ab inquietudine aula Imp. ambulatoria, dispiciebam, Prī-
ceps ille & locum commorandi, & si me ibi, ob longinquam ab-
sentiam, pensiones Imperiales aulica morarentur, subsidia ido-
nea liberalissimè polliceretur. Nihil igitur aliud restare vide-
batur, nisi ut consensum IMPERATORIS Domini mei, primū
atq; in Aulam venturus essem, precibus impetrarem.

HÆC animo volvens consilia, Puzbachio discessi FRANCO-
furtum, indeq; lento per Rheni tractum perq; WIRTEMBERGI-
am itinere ULMAM reversus, confectis, quæ affecta ibi relique-
ram, negocijs, mense Novembri RATISPONAM ad familiam,
Decembri PRAGAM veni; TABULARUM exemplaria IMPER.
FERDINANDO II. cui dedicaveram, exhibui. Nec mora,
secuta eodem me fuit fama, de exercitibus Casareis in hiberna-
per SVEVIAM & HASSIAM deductis. Quæ fama, cum ipsa per
se propositum meum de loco editionis graviter perculisset: ex
adverso IMP. tot Victorijs clarissimi aula splendidissima fautores
cultoresq; mearum artium exhibuit expectatione meâ plures.
quorum commendationibus provectus, & CESARI opus dedica-
tum felicissimo successu approbavi, dignusq; iudicatus fui, qui de
M. tis S. a munificentia ditior redderem: & Exercituum Casareo-
rum, quos suspectabam, Praefecti Generalissimi, Illustrissimi

DUCIS FRIDLANDIÆ & SAGANI ALBERTI gratiam consecutus sum: qui cum sit & HEROS fortissimus, & juxta scientiarum Mathematicarum admirator eximius, eaq̃ conjunctiōe velut alter HERCVLES; idemq̃ IMPERATORI addictissimus; ad primam mentionem hac me necessitate, commorandi extra provincias CÆSARIS hereditarias, eaq̃ super re Casarem interpellandi, facîle exsolvit, locum quietum SAGANI clementissimè concessit, annum subsidium reliqua magnificentia sua consentaneum nuncupavit, prælum etiam promisit; Casarianis omnibus mirificè approbantibus. Igitur semise anni paulo minùs in aulâ Imp. transacto, Majo mense Ratispōam ad familiam traducendam sum reversus. Junio LINCIVM ad patronos antiquiores, AVSTRIÆ SVPR-ANISANÆ ORDINES. Atq̃ hi & ipsi transitionem hanc meam Saganum collaudarunt; & exemplaria libri, quem subsidijs illorum multos per annos usus p̃feceram, honorario, quantum à provincia afflictissimâ nequaquã sperabam, compensarunt. Dispositis itaq̃ rebus meis in illâ provincia Julio mense Pragam, ibiq̃ receptâ, quam eò pramiseram familiâ, deniq̃ Saganum, qd̃ DEVS benè vertat, VII. Cal. Aug. p̃veni.

QVOD igitur tu mihi de hoc adventu meo in SILESIAM gratularis; omen accipio: Melodia quippe hæc inchoata jam est, gratulaberis eiq̃ dem multò magis, hanc ubi sine perturbatione victor terminavero: quod fuxit cœlestis harmonia contemperato, spirituum largitor, DEVS OPT. MAX.

EST vicissim cur ego mihi gratuler ipsi, quòd in SILESIAM potissimùm venerim; ut cujus à multo tempore propria quodammodo fama fuit, quòd in eâ sit doctorum virorum frequentia, non contemnenda. Quo ex grege cum primus tu prodeas, qui te mihi publicâ in Epistolâ corâm sistis: eja salve doctorum Silesitarum coryphæe! (nam in LVSTATIA tuâ exaudiri feruntur balatûs gregum Silesiacorum) honoremq̃ hunc, & primum, in amicitia mea locum, jure præventionis obtineto.

SED

SED tempus est ut, quid petitur, veneris! pensitemus.
 Organa te ais meditari; quibus incitatis vera motuum & cau-
 sa & forma represententur oculis. Eam ob causam te coniecisse
 ais in laborem molestissimum, computatâ unius anni Ephemeridi-
 de; scilicet ut ex Tabulis RVDOLPHINIS penitissimam motu-
 um caelestium formam & pervideres & familiarem tibi redderes.
 Laudabile factum, ex instituto nobili! quorum isthoc quidem
 tua est aetatis, tua industria, tui & ocij: illud verò propius ad
 me pertinet, Ephemeridas typis publicis exscribi, computatas ex
 TABB. RVDOLPHI, à me proximo anno luci datis.

HANC igitur in praesens occupo materiam tecum diserendi;
 quantum è rep. literariâ fore existimavero. Nam, etsi tu qui-
 dem primus in hoc stadio compares: sunt tamen & alij, qui in
 eodem vel jam currunt; vel stant accincti: quos partim ipse an-
 te triënum; partim in proximo meo itinere Francosurdico, aut
 paulò post, invitavi: alij, quos nunquam antea noveram, jam
 proximorum annorum Ephemeridas absolvisse, adq; praelum pa-
 ratas habere nunciantur. Nec dubium, esse & alios, de quibus
 ne fama quidem ad me pervenit, Italos, Gallos, Britannos;
 qui, receptis, quæ summo studio quaesiverunt, exemplaribus, eū-
 dem nobilem laborem capefferint; eòq; publicis usibus expo-
 sito, famam aucupentur. GRATV LOR vobis, quotquot estis,
 quascunq; per oras; quòd studio Mathematices, quæ sola mentis
 assensum certitudine fulcit incredibili, ingenium eòusq; subege-
 ritis, ut labori spectabili, quem ante hæc tempora ingeniosissimus
 quisq; maximè fugere solitus est, pares vos invēiretis. Gratulor
 Rebus publicis, gratulor Nationibus Christiani orbis omnibus,
 de proventu talium virorum, & de spe, non vanâ; fore brevi,
ut frigescentibus studijs frivolis, incertis, contentiosis; addo &
perniciosis; publica doctorum industria in caelestes potius specu-
lationes, quæ sitim ingeniorum sedant, mores, prout indoles fue-
rit, similitudine quadam Operum divinorum imbuunt, incum-

bat; adeoq; ex ijs plurima etiam vita toleranda commoda, pro-
 cudad. & suppeditet. Gratulor mihi quoq; de successu foelici edi-
 tionis meae: quae & excitavit hominum studia, & sicubi vel
 manca censeri possit, vel nevos etiam nonnullos traxit, seu hal-
 lucinationum auctoris, seu sphalmatum typographicorum, quae
 properatio, ut fieri amat, operarumve importunitas suppedita-
 vit: de ijs per eosdem, qui Ephemeridas nihilominus integras
 ex opere computare potuerunt, ceteris minus exercitatis facile
 excusatur; comprobato, quod ex fundamentis Tabularum origi-
 nem illi non traxerint; sed extrinsecus allapsi, facile ab homine
 mediocris attentionis, quod a vobis est factum, redarguantur.

Quo nomine gratias tibi, BARTSCHI, ceterisq; si qui tibi
 paria praestiterunt, permagnas debeo; quod obrectatorum, hic
 meorum prava studia praevertistis, & cavillorum, quae expecto,
 spiculis reddidistis impenetrabilem. Equidem vel jam nunc ex
 inspectione Catalogi librorum autumnalium, fulgetra nonnulla
 videor observare eminens coruscantia: quae imbrem mihi pollice-
 ri videntur ex Austro, nimbumq; transmarinum ex Occidente.
 Scribit de tribus novis stellis CLARAMONTIUS CAESENNAS, librum
 jam a quinquennio minacem meis operibus: scribit contra, Fr.
 MARINUM MERSENNAYUM Gallum ROBERTUS de FLUCTIBUS Bri-
 tannus: quorum cum ille in hunc, crinibus q; dem meis arreptis,
 involaverit prior ante triennium: vix erit, ut non hic quoq; de-
 fensionem parat meo cum damno, & ^{meis} ^{pro} ^{jaculis} ^{usus;}
 ut qui me sibi privatim dudum legit adversarium. Verum illis
 per me licet agant, quod agunt, strenue: ipse ad utilitatem lecto-
 ris mei me comparans, quae necessaria monitu videbuntur, de Ta-
 bularum numeris, praecipis, exemplis; SPORTVLAE meae Astro-
 logica subjungam: cui ob idipsum formam destino folij: ut inter
 praepa & tabulas, etiam si liber jam sit ligatus, interseri ab illo
 possit; qui seorsim pro ea (ut & pro MAPPA Orbis, quae nunc No-
 rumberga sumtibus meis exsculpitur) solverit librario.

Ad

An vos revertor, viri docti, laborum socij, adq̄ vestras
 Ephemeridas. Meruistis enim & mei studio, & industriâ pub-
 licâ: ut quâ possum, vestris vicissim commodis consulam. Etsi
 enim liber *TABB.* in publicum exijt, licetq̄ eo uti pro arbitratiu
 cujusq̄, licet sui tyrocinij specimen vicissim proponere publicè:
 vereor tamen, si emptores aucupamini, ne non tantum ipsi vos
 invicem ledatis: sed etiam à me ipso, qui minimè hoc affecto, dâ-
 no afficiamini singuli. Meminisse potestis, initium à me factum
 esse Ephemeridum, editis quatuor, in annos 1617. 18. 19. 20.
 Typos ad hanc editionem idoneos à meo comparari; eosdem
 mecum Saganum attuli. Etsi verò, temporum difficultatibus
 impeditus, ab editione sequentium Ephemeridum destiti: com-
 putatas tamen habeo in scrinijs, annorum plerorumq̄ interme-
 diorum; quasdam etiam locari computandas; quas, si sunt abs-
 olutæ, qui operam sibi perire nolunt, primo quòq̄ tempore ad me
 transmittent. Jam enim in eo res est, ut prælo Saganum allato,
 Tomus primus Ephemeridum ab anno 1617. usq̄ quò ultra an-
 num 1631. operæ progredi poterunt, ad nundinas *FRANC.* autu-
 nales anni 1629. extrudatur; Tomus alter proximo anno sequa-
 tur. Quam ad editionem uti tu, *Bartschi* amicissime, tuam mi-
 hi operam & dudum, literis *Augustâ Ulmâ* misisti, & nunc
 in Epistola publicâ obtulisti: ita & receptam eam à me nuper-
 rimo nostro congressu, libenter contestor publicè.

NAM quòd tuam hanc editionem Ephemeridâ in annu 29.
 attinet: locum ipse voluisti relictum editioni meâ in eundem an-
 num. Ego verò etsi & computatam ejus partem tibi coram ostē-
 didi; & quæ desunt mihi, adhuc supplere possem, si de fide tui cal-
 culi ambigerem: tuam tamen ipsius jam editam repeti malo; sic-
 ut inter nos convenit. Paucula de meo accedent, quæ tu ipse
 mihi reservata significas; aut quorum, ut correctiunculâ opus ha-
 berent, ipse ego, seu potius profectioes nostræ culpam sustinent.
 Cùm enim sis usus exemplari *Ulma* à me transmissi: caruit
 illud.

illud hætenus Indice; ut quem, expectatione delusus Emblematis praliminaris, Francofurti demum adjeci operi: atqui in illo moneo lectorem de sphalmate typographico in Aphelio Saturni ad annum 1600.

NEQUE est ut quisq̄ existimet, te operam lusisse in editione tuâ privatâ; si nunc ea repetatur in communi. Satis tu contrâ in Epistolâ: qua & repetere, & pluribus explicare placet; ut de consensu nostro constet omnibus. Nimirum edidisti tu illam usibus tuis; addo & meis, & omnium circa artem curiosorum: repetemus nunc eandem pro usibus publicis, magis popularibus. Nam quod te attinet, demonstraſti tuam in illâ diligentiam, tuam dexteritatem, tuam artis cognitionem penitissimam; liberaſti animum à scrupulis, qui te vexassent, super novitate calculi, superq̄ varijs modis computandi; demeruiſti tibi, quod opto & spero, patronos privatos. Mihi verò, ceterisq̄ curiosis, non potest hæc editionis tue forma non esse gratissima: ut qua methodorum diversarum equipollentiam, quam verbis profiteor, reipsâ & longâ inductione integri anni comprobat; qua consensum in Luna cum calculo TYCHONIS ostendit sanè quàm propinquum; cum ille tamen computaret ex circulis, ego ex causis physicis; qua differentiam, quantula ea superest passim, penè omnem in Variationis Tychonica modum penes me diversâ conjicit: deniq̄, que fidem facit, modos computandi novos, per Logarithmos, nullamne minutissimam quidem respuere subtilitatem, etiam ad secunda usq̄, progredientium.

HÆC tamen unius anni Ephemeride comprobari satis fuit: in libro plurium Ephemeridum modum imponi curiositati expedit. Extat jam forma Ephemeridum à me introducta; imò potiori parte ex antiquo retenta: in eâ, præterq̄ in Sole, à concisione scrupuli primi temperatur; motus nodi Luna retinetur æquabilis; Aspectuum tempora Quadrantibus diei, non concisus, significantur; planeta omnes in æversis paginarum faciebus, aspectus è regi-


è regione exhibentur: Variatio non unius quidè modi adhibita, per omnes 4. annos: at non ideò geminati loci luna. Id multò minùs nunc erit necesse; pòstq̃ diligenti discussione causarū physica- rum p leges geometricas, ad ipsissimū Trichonis modū redire sum coactus: cui primo inventori etiam quantitas, etsi ea potest ambi- gi, jure interī relinquenda. Sed neq̃ aspectuū n. augēdus, p̃terq̃ Quinque; Decilis, Tridecilis, Sèquadrus & Sesquadrus in pe- nu cōtinendi, ut ligatura typorū infrequētes; Vigintilis planè o- mittendus. Video sanè, q̃ te vicissī vellicēt scrupuli, p̃sertī cir- ca Nodi luna locū verum: ubi causam agis astrologia ante tribu- nal Physices. Spero tamen ijs me tam Astronomos quàm Astrolo- gos liberaturum in præfationibus Ephemeridum.


Hac igitur cōmuni omniū formā etiam tua hac, anni 1629. est recudēda, ut cum ceteris conjungi possit, opusq̃ sit emptoribus usu cōmodū; utq̃ MONarchæ Domino, qui Ephemeridū usu gau- det, earūmq̃ cōtinuationem urget, omni vi ingenij cōprobetur.

HOC INSTITUTUM, hæc pacta nostra, ceteris, q̃ hanc meam re spōstionē sunt lecturi, significare placuit: ut (quāq̃ de Patro- ni novi, Ill. mi DUCIS FRIDLANDIÆ & SAGANI constantiā in patrocinio serid suscepto, sūptibusq̃ ad editionem necessarijs, nobis licet esse securis) quia tamen & homines sumus utiq̃, & periculosus astuat motibus hoc mare Reip. nec cuiq̃ statio fida ca- rinas; eōq̃ de pposita editionis eventu felici sponsorem habemus neminem: statuat igitur secum quisq̃; quantum sibi laboris in omnem eventum sumere, quāq̃ spe niti velit.

TU verò BARTSCHI charissime, quod felix faustumq̃ sit, laborem hunc decumanum ingenti animo, securus futuri, mecum socio capeſe; Saturnumq̃, tuum excubitorum ante fores colloca, q̃ omne tedium arceat. Furēte namq̃ procellā, naufragiumq̃, mi- nante publicum, potius nihil habemus; quàm ut anchoram no- stram, studiorum innocuorum, demittamus in fundum, aterni- tatis. Vale. Dabam, Sagani Silesia, Typis proprijs; postrid- Nonas Novemb. ANNO M. DC. XXVIII.







Biblioteka Jagiellońska



stdr0010729

